

PLANNAN PA UN MUSEO NACIONAL CONCRETISA PA MINISTRO BEKE

ORANJESTAD (AAN): Durante su bishita di trabao Ministro Beke, na caminda pa Copenhage, a haci uso di e oportunidad pa combersa un biaha mas cu e secretario di Estado sr. Aad Nuys riba diferente topico.

E mandatario a elabora riba e posibilidadnan di cuido di monumento, conseho di monumentonan, pa Aruba y algun asunto pendiente desde su ultimo bishita.

Ministro Beke a ser informa cu sr. Fons Assenberg, presi-

dente di Cuido di Monumentonan na Hulanda lo ta bishitando Antillas durante e temporada di fin di April y cuminsamento di mei, y lo pasa Aruba tambe. Sr. Engelsman, presidente di Musco di Reino tambe lo acompaña sr. Assenberg pa asina e por duna asistencia na e Consejo di Monumentonan di Aruba y alavez duna con-

seho pa cu e "set up" di Museo Nacional di Aruba.

Tambe ela discuti e posibilidad pa un persona di e departamento di Archivo Arubano por biaha pa Hulanda, pa tuma nota y selecta kico ta di importancia y valor historico nacional pa Aruba. Otro punto cu a ser treci adilanti ta e consehonan experto pa cu

atencion debido di cu mantencion di nos puente natural "Natural Bridge" (antes yama Boca di Brik).

Ministro Beke a probecha pa tene diferente otro reunion pendiente, prome cu e sigi pa e "World Social Summit" na unda e lo topa y intercambia idea cu varios lider y representantenan di paisnan rond mundo.